



POLITIMESTEREN I GRØNLAND

Imaneq 22 - Postbox 1006 - 3900 Nuuk
Telefon (+299) 70 14 48 - Telefax (+299) 32 41 94

Dato:	2. december 2015
4.nr.:	55PM-10162-00028-15

BTB001

Aaatsitassanut
Aqutsisoqarfik
Postboks 930
3900 Nuuk

Sendes via e-mail: mlsa@nanoq.gl

Ironbarkip Citronen Fjordimi zinkimik aqerlumillu piaanissamik qinnuteqaataanut VSB¹ aamma VVM² pillugit tusarniaanermut akissut – Misissuinissamik akuersissut 2007/02

Ironbarkip Citronen Fjordimi zinkimik aqerlumillu piaanissamik qinnuteqaataa pillugu Aaatsitassanut Aqutsiveqarfiup tusarniaassutaa www.nanoq.gl-imi tusarniaanernut tunngasunik nittartaaviatigut saqqummiunneqartoq innersuussutigalugu matumuuna Kalaallit Nunaanni Politiit tusarniaanermut akissutaat nassiunneqarpoq.

Aallaqqaammut ilisimatitsissutigissavara oqaaseqaatigisakka tusarniaanermut paasissutissat qallunaatoortaaneersut tunngavigalugit saqqummiunneqarmata.

Ataatsimoortumik oqaatigissavara naammagisimaarlugu maluginiarakku, Ironbarkip ajornartorsiutaajunnartut pitsaasumik upalungaarsimanermut, inatsisaatsuliornermut allamiunullu aamma killeqarfimmik nakkutilliinermut tunngasut nassuiaammi ersersimmagit.

Naammagisimaarluguttataq maluginiarpara, suliniutip ingerlateqqinnerani - pitsaasumik upalungaarsimanermut isumaginnittussanik pilersitsinissaq siunertaralugu upalungaarsimanermut oqartussaasut akuutinneqarnissaat siunertarineqarmat taakkununga ilaallutik Kalaallit Nunaanni Politiit. Taamatut suliniummik ingerlatitseqqinniarnaq isumaga malillugu pingaaruteqartupilussuuvoq, pineqartunummi tunngatillugu, ingammik politiit susassaqarfippiaannut tunngatillugu – upalungaarsimaneq ilanngullugu – tusarniaanermut paasissutissani annikitsuinnarmik sammeneqarsimmata. Kalaallit Nunaannilu Politiit sulianut taakkunungarpiatq tunngatillugu peqataarusupput.

¹ Inuiaqatigiinni attanneqarsinnaasumik tunngavilimmik ingerlatsineq pillugu naliliineq

² Avatangiisinut sunniutinik naliliineq

Immikkoortumi 9.8-mi, VSB pillugu nassuiaammi teknikimut tunngassuteqanngitsut pillugit eqikkaanermi erserpoq, ilaatigut ”suliniutip sanaartorlugu piareersarneqarnerata aamma tunisassiornerata nalaani pisortat kiffartuussinnermut ingerlataannut tatisimanningaatsiarnissaa naatsorsuutigineqartoq” – matumani politiit ilanngullugit. Taamatullu naliliineq isumaqatigaara. Ingammik suliniutip avinngarusimaniinnera annertussusaalu peqqutigalugit politiit suliassaannut tunngatillugu, politiit assersuutigalugu inatsisinik unioqqutitsisoqarsimatillugu misissuinnermut atatillugu upalungaarsimanermullu tunngatillugu ataqatigiissaarinerit pillugit najuuttariaqartartussaammata politiinut annertoorujussuarmik aningaasartuuteqarnerulernermik kinguneqartumik, soorluttaaq allamiut iserniarnerannut nakkutilliinnermut upalungaarsimanermullu pilersarusiornermut tunngatillugu sulianut piffissamik annertusisamik piffissamik atuisariaqartartussaammata. VSB-mi nassuiaammi ajutoortoqartarsinnaanerup annertunera, soorlu sulisut sulinngiffeqarnerup nalaani arlaatigut ajutoorsimatillugit najugaqarfiup avataani pisuttuartilluni napparsimalersimatillugilluunniit ujaasinerit annaassiniarnerillu annertunerusumik sammineqarsimanngitsut maluginiarpara (takuuk VSB-mi nassuiaammi immikkoortut 1.9.13 aamma 1.9.14). Pisorli taamaattoq Peqqinnissaqarfiup imaluunniit Kalaallit Nunaanni Politiit, Arktisk Kommandolluunniit susassaqaarfiinut ilaavoq pisorpiaap qanoq ittuunera sumiissusaalu apeqqutaatillugit.

VSB pillugu nassuiaammi immikkoortumi 3.1-mi inatsisit pingaarnarpaat Citronen Fjordimut attuumassuteqartut saqqummiunneqarput. Isumaqaarpungali Kalaallit Nunaanni Pinerlittaalisitsinnermut Inatsit nr. 305, 30.april 2008-meersoq ilanngullugu taaneqarnissaa pissusissamisoortoq, tassaniimmatami sorpassuit inatsisinik unioqqutitsissutaasinnaasut, suliuniummi suleqataasunit iliuuserineqarsinnaasut.

VSB pillugu nassuiaammi immikkoortoq 6.3.6.2-mi pineqatissimeeriaatsip aaqqissuussaanera aamma pinerluuteqarnerit pillugit paasissutissat saqqummiunneqarsimapput, eqqoqqissaanngitsutut kukkusumilluunniit isikkoqartut. Assersuutigalugu pinerluuteqarnermit pineqaatissinneqarsimanerup nalaani ”inuiaqatigiinnut kalaallinut naleqqussarnissaq” taaneqarsimavoq. Uannullu ersernerluppoq tassani sunarpiaq pineqarnerisoq. Ilanngulluguttaaq erserpoq ”ukiuni kingulliunerusuni” Kalaallit Nunaanni ikiaroorartunik pinerluuteqartarnerit pingaarnertut marihuanamik pisarsimasut. Ajornartorsiulli taanna ukiuni kingulliunerusuinnarniunngitsaq sivisuumillu atugaasimavoq. Kiisalu Kalaallit Nunaanni Politiit pillugit naatsorsueqqissaarnerit pillugit paasissutissaat nutaajunerpaat 2012-imeersuunerarneqarput. Tamannali eqqunngilaq. VSB-mi pillugu nassuiaatip saqqummiunneqarnerata nalaani Kalaallit Nunaanni Politiit suliaat ukiumoortumik kisitsisit paasissutissarpassuartallit 2014 naanerata tungaanoortut saqqummiunneqareersimapput www.politi.dk –mi takuneqarsinnaasut.

VSB-mi nassuiaammi immikkoortumi 6.4.6.7-mi atuarfiit inuussutissarsiornermut ilinniarfiusinnaasut neqererooruteqartartut saqqummiunneqarput. Saqqummiunneqartunilu Kalaallit Nunaanni Politiinngorniartut atuarfiat amigaataavoq.

VSB-ni nassuiaammi immikkoortumi 6.4.7-mi "Rigspolitiet" ilanngunneqarsimapput. Immikkoortoq eqqunngitsualunnik ersernerluttunillu oqaasertalinnik imaqarpoq. Kalaallit Nunaannilu Politiit nassuiaammik eqqortumik suliaqaqataanissamut piareersimapput.

Kalaallit Nunaannilu Politiit suliassat aamma immikkoortuni 7.4.4-mi 7.4.5-imilu nassuiaatigineqarput. Tassungalu tunngatillugu erseqqissaatigiitigalugu oqaatigissavara, akitsuusiisarnermut suliassat Namminersorlutik Oqartussat ataanni Akileraartarnermut Aqutsisoqarfimmiimmata, nunanullu allamiunut killeqarfimmillu nakkutilliinermut tunngatillugu suliassat politiit suliassaqarfiinut ilaammata. Tassungalu atatillugu eqqaarusuppara, nunanit allaneersut suliniuteqarfiusumut iserniartut, Schengenimi Isumaqatigiisummut atsioqataasuneersuunissaat naatsorsuutigigakku, tassami pineqartut Schengenimi Isumaqatigiisutip avataaneersuneersuussappata, taakkua taamaallaat mittarfeqarfimmiit umiarsualiveqarfimmiluunniit akuerineqarsimasutigoortussaapput.

Inussiarnersumik inuulluaqqusillunga



Bjørn Tegner Bay
Politimester